



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

VIII. De vili æstimatione sui ipsius in oculis Dei.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

5. Utilior est sæpe talis probatio, quàm si semper prospera pro tua haberes voluntate.

Nam merita non sunt ex hoc estimanda, si quis plures visiones aut consolationes habeat; vel si peritus sit in Scripturis, aut in altiori ponatur gradu.

Sed si vera fuerit humilitate fundatus, & divina charitate repletus: si Dei honorem purè & integrè semper quærat: si se ipsum nihil reputet, & in veritate despiciat, atque ab aliis etiam despici & humiliari magis gaudeat, quàm honorari.

## C A P U T VIII.

*De vili estimatione sui ipsius in oculis Dei.*

1. **L**Oquar ad Dominum meum, cum sim pulvis & cinis? Si me ampliùs reputa vero, ecce tu stas contra me: & dicunt testimonium verum iniquitates meæ, nec possum contradicere.

Si au-



Si autem me vilificavero, & ad nihilum redegero, & ab omni propria reputatione defecero, atque (sicut sum) pulverizavero, erit mihi propitia gratia tua, & vicina cordi meo lux tua: & omnis æstimatio, quantulacunque minima, in valle nihileitatis meæ submergetur, & peribit in æternum.

Ibi ostendis me mihi, quid sum, quid fui, & quò deveni; quia nihil sum, & nescivi.

Si mihi ipsi relinquor, ecce nihil, & tota infirmitas: si autem subito me respexeris, statim fortis efficior, & novo repleor gaudio.

Et mirum valde, quòd sic repente sublevor, & tam benignè à te complector, qui proprio pondere semper ad ima feror.

2. Facit hoc amor tuus, gratis præveniens me, & in tam multis subveniens necessitatibus, à gravibus quoque custodiens me periculis, & ab innumeris (ut verè dicam) eripiens malis.



Me siquidem malè amando , me perdididi : & te solum quærendo , & purè amando , me & te pariter inveni , atque ex amore profundius ad nihilum me redegei.

Quia tu, ô dulcissime , facis mecum supra meritum omne, & supra id , quàm audeo sperare vel rogare.

3. Benedictus sis Deus meus; quia licèt ego omnibus bonis sim indignus , tua tamen nobilitas & infinita bonitas nunquam cessat benefacere etiam ingratis , & longè à te averfis.

Converte nos ad te , ut simus grati , humiles , & devoti ; quia salus nostra tu es, virtus & fortitudo nostra.

## C A P U T IX.

*Quòd omnia ad Deum , sicut ad finem ultimum , sunt referenda.*

I. **F**ili , ego debeo esse finis tuus supremus & ultimus , si verè desideras esse beatus.

Ex